



Republika e Kosovës / Republika Kosova / Republic of Kosova
Komuna e Podujevës / Opština Podujevo / Municipality of Podujeva



KUVENDI I KOMUNËS

Procesverbal i mbajtur më 17 shkurt 2024, në mbledhjen Solemne të Kuvendit të Komunës së Podujevës, mandati i VII, E mbajtur për nderë të 17 shkurtit - Ditës së Shpalljes së Pavarësisë së Republikës së Kosovës

Mbledhja filloi në orën 10;15, dhe u mbajt në sallën e mbledhjeve të Kuvendit të Komunës.

Mbledhjen e hapi dhe e kryesoi z.Hilmi Hoxha, Kryesues i Kuvendit.

Në fillimin e mbledhjes të pranishëm ishin të gjithë anëtarët/et e Kuvendit të Komunës së Podujevës:
(Nga LDK Valon Demolli; Demokrat Hodolli; Arnisa Sylejmani; Arjeta Abazi; Edona Shabani; Adnan Zymeri; Arjant Topanica; Ilir Koprani; Qëndrim Softolli; Naim Çunaku; Ekrem Rrahmani; Fahri Hasani, munguan, Donjetë Sheqiri dhe Tringa Sfishta.

Nga LVV, Florent Hasani; Fitim Muçolli; Kasib Bashota; Sebastina Vokri; Drita Pajaziti; Qëndresë Hajrizi; Ragip Fetahu; Xhevdet Maloku; Ardi Hasani; Haki Rudari; Bahri Blakçori; ndërsa munguan Artirit Mulliqi dhe Lirika Maliqi.

Nga PDK, munguan, Bashkim Syla; Endritë Murati dhe Mimoza Abdullahu.

Nga AAK, Burim Hasani; Arbnor Fazliu, ndërsa mungoi Mrika Thaqi.

Nga OBKD, Gazmend Islami i cili mungoi.

Gjithashtu i pranishëm ishte z.Shpejtim Bulliqi Kryetar i Komunës së Podujevës, drejtorët e Drejtorive të Komunës, dhe atë;

(Xhevdet Beqiri-Drejtorja e Administratës DA; Avni Fetahu-Drejtorja e Arsimit DKA; Adelinë Stublla-Drejtorja e Shëndetësisë dhe Mirëqenies Sociale DSHMS; Leutrim Krasniqi-Drejtorja e Planifikimit Urban dhe Mbrojtjes së Mjedisit DPUMM; Saranda Stublla-Drejtorja e Pronës Kadastrit dhe Gjeodezisë DPKGJ; Pajtim Balaj-Drejtorja e Kulturës Rinisë dhe Sportit DKRS, Bahri Selimi-Drejtorja e Shërbimeve Publike Mbrojtjes dhe Shpëtimit DSHPMSh; Alban Zekai-Drejtorja e Inspeksionit DI, Lirie Hoti-Drejtorja e Bujqësisë Pylltarisë dhe Zhvillimit Rural DBPZHR, Vigan Salihu-Drejtorja e Planifikimit dhe Zhvillimit Ekonomik DPZHE,)

Të pranishëm tjerë ishin; përfaqësues nga Shoqatat e Dala nga Lufta e UÇK-së; z.Avni Ajeti, z.Florim Statovci, z.Musa Salihu, Kryetari i Shoqatës së Familjeve të Dëshmorëve të UÇK-së z.Xhemshit Gashi dhe anëtari kësaj Shoqate z.Maliq Behrami, Gjyqtari Mbikëqyrës i Gjykatës Themelore – Dega Podujevë z.Minir Hoti, Përfaqësuesi i Bashkësisë Islame z.Idriz Bilalli, përfaqësues të mediave lokale-TV Llapi, si dhe një numër i qytetarëve dhe zyrtarëve komunale (lista e pjesëmarrësve)

Mbledhja u hap me Intonimin e Himnit të Republikës së Kosovës dhe Himnit të Republikës së Shqipërisë – Himni Kombëtar

- **Fjalë rasti nga Kryesuesi i Kuvendit të Komunës**

z.Hilmi Hoxha, theksoi, i nderuari Kryetar i Komunës së Podujevës z.Shpejtim Bulliqi, të nderuar anëtar e anëtare të Kuvendit të Komunës së Podujevës, drejtorë të drejtorive të Ekzekutivit të Komunës, të respektuara familje të Dëshmorëve anëtarë, përfaqësues të UÇK-së, përshëndetje për Imamin nga Podujeva z.Idriz Bilalli si dhe për Gjyqtarin z.Minir Hoti dhe të gjithë të pranishmit tjerë, mirë se keni ardhur në mbledhjen e organizuar për nderë të shënimit të 16 vjetorit të shpalljes së Pavarësisë së Republikës së Kosovës.

16 vjet më parë Kuvendi i Republikës së Kosovës shpalli Kosovën Shtet të Pavarur, kjo është ngjarja më e rëndësishme e historisë tonë, për shtetin dhe demokracinë.

Ngjarja që sot po e kremtojmë na e kujton luftën dhe sakrificën e Dëshmorëve dhe të rënëve të cilët dhanë jetën e tyre për lirinë e kësaj toke, andaj me këtë rast ju ftoj që t'i nderojmë me 1 minutë heshtje të gjithë Dëshmorët dhe të rënët për liri.

Mbahet 1 minutë heshtje në nderim të të gjithë Dëshmorëve dhe të të rënëve për liri. Lavdi

Kryesuesi i Kuvendit, vazhdoi, tani ftoj Kryetarin e Komunës z.Shpejtim Bulliqi për një fjalë rasti.

- **Fjalë rasti nga Kryetari i Komunës së Podujevës**

z.Shpejtim Bulliqi, theksoi, i nderuar Kryesues i Kuvendit z.Hilmi Hoxha, të nderuar drejtorë/sha të Drejtorive Komunale, të respektuar anëtar/e të Kuvendit të Komunës, të nderuar përfaqësues të Shoqatave të dala nga lufta e Ushtrisë Çlirimtare të Kosovës, Familje të Dëshmorëve, Veteran të Ushtrisë Çlirimtare të Kosovës, i respektuari drejtues i institucionit të drejtësisë në Podujevë z.Minir Hoti, të nderuar media dhe qytetarë, motra dhe vëllezër.

Sot ne festojmë përvjetorin e 16-të të shpalljes së Pavarësisë së Kosovës.

26 vite kanë kaluar nga lufta e Kosovës dhe 16 vite nga shpallja e Pavarësisë së Republikës së Kosovës dhe kjo ditë vazhdon të jetë një kujtim i rëndësishëm i luftës dhe përpjekjeve tona për liri dhe pavarësi.

Në përvjetorin e Pavarësisë së Kosovës ne reflektojmë mbi rrugën tonë të gjatë drejtë Pavarësisë, mbi sfidat dhe pengesat që hasëm, si dhe mbi arritjet dhe sukseset tona.

Shpallja e Pavarësisë së Kosovës ishte një moment historik për mbarë Kombin Shqiptar që na bëri të ndihemi të gjithë ne krenar.

Shpallja e Pavarësisë së Kosovës ishte një moment kulminant për të cilin kontribuuan shumë breza e u sakrifkuan aq shumë gjatë historisë tonë.

Pavarësia e Kosovës ishte një shembull i rrallë i arritjes së lirës dhe sovranitetit në shekullin e XXI, kjo arritje ishte mundshme falë luftës së Ushtrisë Çlirimtare të Kosovës dhe sakrificës së shumë brezave të cilët u flijuan duke rezistuar dhe luftuar për lirinë e Kosovës.

Gjithashtu lirinë e fituam edhe falë bashkëpunimit dhe ndihmës së miqve tanë ndërkombëtar që na mbështeten në këtë rrugëtim të vështirë e për të cilën u jemi falënderuar gjithmonë vendeve mike, por sigurisht se edhe rrugës paqësore të ish Presidentit Rugova dhe bashkëpunëtorëve të tij të cilët krijuan shumë ura të bashkëpunimit në vendet perëndimore dhe demokratike të botës.

Megjithatë duhet të pranojmë se ka ende sfida që duhet ballafaquar me to. Pavarësia dhe sovraniteti i Kosovës ende nuk janë njohur nga të gjitha shtetet e botës, dhe ne duhet të vazhdojmë të punojmë për të siguruar ato njohje dhe për të forcuar identitetin tonë shtetërorë.

Ne gjithashtu duhet të punojmë për të ndërtuar një shtet të qëndrueshëm dhe të integruar, me një ekonomi funksionale dhe në respektim të të drejtave dhe lirive për të gjithë qytetarë pa dallim.

Ne sot po festojmë këtë ditë historike, por Dita e Pavarësisë na obligon edhe më shumë për të qenë të përkushtuar, për të ndërtuar një të ardhme më të mirë për të gjithë qytetarët tanë, e në veçanti për brezat e rinj.

Kosovën e kemi borxh ta duam dhe ta forcojmë. Liria dhe Pavarësia u arrit me shumë gjak e mund, e ne më së miri i nderojmë ata që mundësuan realizimin e kësaj dite duke punuar me dashuri dhe përkushtim për vendin.

Urime Dita e Pavarësisë së Kosovës të gjithë Shpatarëve anë e mbanë botës.

Zoti e bekoftë Kosovën.

Lavdi e nderime të gjithë Dëshmorëve, Martirëve dhe të rënëve të Kosovës.

Ju faleminderit.

Kryesuesi i Kuvendit, theksoi, falënderoj Kryetarin e Komunës për këtë fjalim. Tani fjalën e ka kërkuar përfaqësuesi i Familjeve të Dëshmorëve z.Xhemshit Gashi.

z.Xhemshit Gashi, Kryetari i Shoqatës së Familjeve të Dëshmorëve të UÇK-së, theksoi, faleminderit i nderuar Kryesues i Kuvendit, i nderuar Kryetar i Komunës, përfaqësues i Bashkësisë Islame, përfaqësues i Institucionit të drejtësisë në Podujevë z.Minir Hoti, përfaqësues i Organizatave të Veteranëve të luftës z.Avni Ajeti, shumë i nderuar z.Maliq Behrami babë i Dëshmorit Elfir Behrami, të nderuar anëtar/e të Kuvendit të komunës, drejtor/sha të Ekzekutivit të Komunës, ju përshëndes në emër të Organizatave të dala nga lufta e lavdishme e Ushtrisë Çlirimtare të Kosovës të Zonës Operative të Llapit, në emër të familjeve të Dëshmorëve, Invalidëve dhe Veteranëve të luftës.

Njëherit shfrytëzoj rastin t'ju uroj 16 vjetorin e Pavarësisë së shtetit tonë.

Nderi dhe lavdia i'u takon Dëshmorëve të Kombit.

Ne Llapi kemi dhënë një kontribut jashtëzakonisht të madh në këtë vijën kufitare për të mbrojtur dhe për ta qar përpara çështjen Shqiptare.

Siç e dini, edhe Komandanti i parë i Ushtrisë Çlirimtare të Kosovës ka qenë Zahir Pajaziti, pastaj nga Llapi është simbol i rezistencës tonë Kombëtare baca Adem Demaçi. Luftën e nisën Ali Ajeti, Afrim Zhitia dhe gjithë Zona Operative e Llapit.

Prandaj edhe njëherë shfrytëzoj rastin t'ju uroj këtë përvjetor sepse është arritja më e madhe e Popullit Shqiptarë që nga Shpallja e Pavarësisë së vitit 1912.

Urime kjo festë për të gjithë.

Kryesuesi i Kuvendit, duke falënderuar parafolësit, theksoi, para se të përfundojmë me këtë mbledhje solemne, ju njoftoj se pas përfundimit të kësaj mbledhje do të vazhdojmë me homazhe duke filluar nga Qyteti, por paraprakisht para objektit të komunës do ta bëjmë një fotografi të përbashkët.

Pra ju falënderoj për pjesëmarrje në këtë mbledhje Solemne dhe duke i'u uruar të gjithë qytetarëve të Komunës së Podujevës dhe Republikës së Kosovës Ditën e Pavarësisë – 16 vjetorin e shpalljes së Pavarësisë së Republikës së Kosovës.

Urime të gjithëve dhe mirupafshim në takimet e radhës.

Mbledhja përfundoi në ora 10:25

Procesverbalin e mbajti;

Enis Sheholli

Nr.Prot.01-016/01-0011914/24

Podujevë, 17 shkurt 2024

Kryesuesi i Kuvendit

Hilmi Hoxha